

# फिलिप्पिइ च्वंगु मण्डलीयात पावलं च्वःगु पौ

## म्हसीका

श्व पौ पावलं थःम्हं यूरोपय् दक्वसिबय् न्हापां स्वना थकूगु रोमी साम्राज्यया माकेडोनियाया मण्डलीयात च्वःगु खः। पावलं श्व पौ थःत भयालखानाय् कुनातःबलय् च्वःगु खः। अबलय् गुलिं गुलिं विश्वासीतय्सं वयात मभिकाः खँ ल्हानाच्वंगु व फिलिप्पिइ च्वंगु मण्डलीइ फताहा गुरूतय्सं वयाः मखुगु मखुगु खँ स्यनाः दुःख बियाच्वंगु खः। थथे दुःखकष्ट फयेमाःसां पावलं येशू ख्रीष्टयात क्वात्तुक विश्वास यानाः लय्ताया च्वनेमाःगु खँ न्ह्यथनातःगु दु।

पावलं श्व पौ फिलिप्पिइ च्वंपिं विश्वासीतय्सं थःत माःबलय् ग्वाहालि छ्वयाहःगुलिं इमित सुभाय् बियाः च्वयातःगु खः। पावलं थःत व इमित दुःखकष्ट जूसां साहस व भरोसा कायेमाः धकाः अर्ती बियातःगु दु। श्व पतिइ थःगु जक भिं स्वयाः तःधंछुना मजुसे ख्रीष्ट थें क्वमिलु जुइमाः धयागु खँ नं न्ह्यथनातःगु दु। श्व न्हूगु जीवन व्यवस्था मानय् यानाः दुगु मखु, बरु ख्रीष्टलिसे छप्पं जूगुलिं परमेश्वरं बियादीगु वरदान खः धकाः नं ध्वाथुइकातःगु दु। थुकी परमेश्वरं ख्रीष्टलिसे छप्पं जुइपिन्त बियादीगु आनन्द व शान्तियागु खँ नं न्ह्यथनातःगु दु।

श्व पतिइ विश्वासीतय्गु चालचलनय् खनेदये माःगु खँ, गथे लय्ताया जुइगु, भरोसा तयेगु, मिलय् जुइगु व सह याना जुइगु खँय् नं बः बियातःगु दु। श्व पतिइं फिलिप्पिइ च्वंगु मण्डलीइ च्वंपिन्त पावलं तसकं माया याः धकाः सी दु।

## धलः पौ

न्ह्यखँ .....	१:१-११
पावलयागु जुयाच्चवंगु खँ .....	१:१२-२६
ख्रीष्टयात विश्वास यानाः म्वायेगु .....	१:२७-२:१८
तिमोथी व इपाफ्रोडिटसया बारे पावलया ग्वसाः ....	२:१६-३०
ख्याच्चः व होश यायेगु खँ .....	३:१-४:६
भेटी ब्यूपिन्त सुभाय् ब्यूगु .....	४:१०-२०
क्वचाय्कूगु .....	४:२१-२३

# फिलिप्पी

## पावलपाखें ज्वजलपा

१ ख्रीष्ट येशूया च्यःत पावल व तिमोथीयापाखें फिलिप्पिइ च्वंपिं ख्रीष्ट येशूयात विश्वास याना च्वंपिं, मण्डलीइ हेरचाह याइपिं व ग्वाहालि याइपिं सकसितं ज्वजलपा! \* २ भी परमेश्वर बाः व प्रभु येशू ख्रीष्टपाखें छिमित दया माया व शान्ति दयाचवने मा।

## पावलयागु प्रार्थना व सुभाय्

३ छिमिगु लुमन्तिइ जिं परमेश्वरयात न्ह्याबलें सुभाय् बियाचवनागु दु। ४ छिमिगु नितिं जिं न्ह्याबलें लय-लयतातां प्रार्थना यानाचवनागु दु। ५ छायाःसा भिंगु खँ न्यकेगु ज्याय् छिमिसं जितः न्हापांनिसें ग्वाहालि यानावयाचवंगु दु। ६ छिमिगु नुगलय् भिंगु ज्या सुरु यानादीम्हय्सिनं हे येशू ख्रीष्ट भायादीबलय् तकं फुक्क ज्या सिधय्कादी धयागु जितः विश्वास दु।

७ छिमित जिं थःगु नुगलय् तयातयागु

दु। छिमिगु खँय् जिं थुकथं मतिइ तयागु पाय्छि हे जू, छायाःसा छिमिसं जितः थथे कुना तःबलय् नं अले मतःबलय् नं भिंगु खँ न्यकेत व थुकियागु पँ लिनाः साक्षी बीगुलिइ नं ग्वाहालि याःगु दु। ८ ख्रीष्ट येशू थें जिं छिमित दुनुगलंनिसें माया यानाचवनागु दु। थ्व खँ परमेश्वरं स्यू।

९ छिमिगु माया अज्जं अप्वयावने मा, अले छिमिसं धात्थेंगु भिंगु खँ छु खः धयागु दुनुगलंनिसें ध्वा-थुइके फयेमा धकाः नं जिं प्रार्थना यानाचवनागु दु। १० थथे जूसा जक छिमिसं भिंगु भिंगु खँयात ल्यया काये फइ। अले ख्रीष्ट भाइबलय् छिपिं भिपिं व दोष मदुपिं जुइ फइ। ११ अले परमेश्वरया महिमा व प्रशंसाया नितिं येशू ख्रीष्ट पाखें वइगु धार्मिकताया फलं छिपिं जाइ।

## म्वायेगु हे ख्रीष्ट खः।

१२ यःपिं दाजुकिजापिं, जितः थथे जूवःगु दुःखकष्टं भिंगु खँ भन

बय्बय् जुयावंगु दु धका: सीकि।  
 १३ लाय्कुलिइ च्वंपिं सिपाइंतय्सं  
 जक मखु, मेपिं फुक्कसिनं नं जित:  
 ख्रीष्टयागु नितिं भयालखानाय्  
 कुनात:गु ख: धका: सी धुंकल।\*  
 १४ थुलि जक मखु, जित: थथे  
 कुनात:गुलिं यक्व हे दाजुकिजापिन्सं  
 प्रभुयाके भरोसा तया: छप्ति हे मग्यासे  
 परमेश्वरयागु वचन न्यंका जूगु दु।

१५ गुम्ह गुम्हय्सिनं ला जिं यानागु  
 स्वये मफया: नुग: मुइका: व इखं  
 नं अथे ख्रीष्टयागु खँ न्यंका जूगु  
 दु। गुलिसिनं धा:सा यचुगु नुगलं हे  
 न्यंकाच्वंगु दु। १६ थथे यचुगु नुगलं  
 भिंगु खँ न्यंका जूपिन्सं जित: भिंगु  
 खँयागु नितिं थथे भयालखानाय्  
 कुनात:गु ख: धका: सीका: माया  
 वना: न्यंका जूगु ख:। १७ मेपिन्सं  
 धा:सा जि कुंका त:म्हय्सित अज्ज  
 अप्व: दु:ख सास्ति यायेमा धका:  
 मभिंगु मतिइ तया: ख्रीष्टयागु खँ  
 न्यंका जूगु ख:। १८ थथे न्ह्याम्हय्सिनं  
 न्ह्यागु कथं न्यंका जूसां जि लय्ता:,  
 छाया:सा भिंगु मतिइ तया: या:सां  
 मभिंगु मतिइ तया: या:सां ख्रीष्टयागु  
 हे खँ न्यना वनी।

१९ धात्थें हे जि लय्ता:, छाया:सा  
 छिमिगु प्रार्थना व ख्रीष्ट येशू बियादीगु

आत्मायागु ग्वाहालिं जित: त्व:तकी  
 धका: जिं स्यू। २० अय्जूगुलिं जि छुकी  
 नं लज्या चाये माली मखु धका: जित:  
 आशा व भरोसा दु। अले न्ह्याबलें थें  
 जि आ: नं ग्याये मखु, सीसां म्वा:सां  
 जिगु पाखें ख्रीष्टयागु नां जक त:धना  
 च्वंसां जित: गा:। २१ छाया:सा जि  
 म्वाना च्वनेगु हे ख्रीष्टया नितिं ख:,  
 अले सीसां जिगु हे भिं जुइ। २२ म्वाना  
 च्वन धा:सा जिं अज्जं ख्रीष्टयागु  
 भिंगु ज्या याये फइ। उकिं सीगु बांला:  
 ला कि म्वायेगु बांला: धका: जिं धाये  
 मफु। २३ जि ला बाम्हय् कानाच्वंगु  
 दु। थ्व संसार त्व:ता: ख्रीष्ट नाप  
 च्वंवनेगु जिगु त:धंगु इच्छा ख:।  
 २४ थ्व जिगु नितिं तसकं भिंगु खँ ख:,  
 छिमिगु नितिं धा:सा जि म्वाना च्वने  
 हे मा:।

२५ छिपिं नाप च्वने दइतिनि धका:  
 जित: विश्वास दु। अले छिमित  
 विश्वासय् बल्लाकेत व अज्ज  
 लय्ताय्केत जि छिपिं नाप च्वने  
 दइतिनि धका: नं जिं स्यू। २६ जि  
 छिमिथाय् हाकनं वयेबलय् जि  
 व:गुलिं छिमिसं ख्रीष्ट येशूयात अज्ज  
 अप्व: त:धंकी।

२७ ख्रीष्टयागु भिंगु खँ न्यंकू थें  
 छिमिगु चालचलन नं जुइमा:। छिमित

नाप लाःसां, मलाःसां छिपिं फुककं  
छप्पं व छगू हे मन जुयाः भिंगु खँय्  
विश्वास यानाचवंगु दु धयागु जक  
न्यने दःसां जितः गाः। २८दुःख बीपिं  
खनाः छिपिं गयाये मते। थुकिं इपिं  
नाश जुयावनी, अले छिमित मुक्ति दइ  
धकाः बांलाक सी दु, छायाःसा थ्व  
परमेश्वरं हे यानादीगु खः। २९ख्रीष्ट-  
यात विश्वास याना चवनेत जक मखु,  
वय्कःया नितिं छिमिसं दुःखकष्ट नं  
सी माः धकाः वय्कलं थथे यानादीगु  
खः। ३०छिमिसं न्हापा खंगु व आः  
न्यनाचवंगु जिगु दुःखकष्ट छिमिसं नं  
फयाचवंगु दु।\*

### ख्रीष्ट येशू थें क्वमिलु जु

२ १ख्रीष्टयात विश्वास यानाः  
छिमित साहस वःगु दु ला?  
वय्कःयागु मायां छिमित तिबः ब्यूगु  
दु ला? छिमिसं पवित्र आत्मां धाःथें  
याना जुयागु दु ला? छिमिसं थःथवय्  
दया माया याना जुयागु दु ला? २अथे  
खः धयागु जूसा छिमिसं छगू हे मनं,  
छगू हे मायां, छगू हे नुगलं, अले छता  
हे खँय् मन बियाः जितः अज्जं लय्  
ताय्की।

३थःगु जक भिं स्वयाः तःधंछुना  
जुइ मते। बरु थःथवय् क्वमिलु जुयाः

मेपिं स्वयाः चिधं जुया जु। ४थःगु  
जक बिचाः याये मते, मेपिनिगु नं  
बिचाः या।

५छिमिगु मन ख्रीष्ट येशूयागु थें जुइ  
माः —

६ख्रीष्ट येशू परमेश्वर हे जुयाः नं  
वय्कलं थःत परमेश्वर  
भाःपिया मदी।

७थः यसं फुककं त्वःताः दास थें  
जुयादिल,  
अले भीपिं थें  
मनू जन्म कयादिल।

८वय्कलं मनू जुयाः  
सीत तकं नं लिचिला मदी।

कूसय् सिनादीबलय् तकं  
वय्कः क्वमिलु जुयाः  
आज्ञा मानय् यानादिल।

९अय्जूगुलिं परमेश्वरं  
वय्कःयात फुकक स्वयाः नं  
तःधंकादिल,  
अले दक्वसिबय् तःधंगु नां नं  
छुनादिल।

१०थुकथं स्वर्गय् च्वपिं,  
पृथ्वीइ च्वपिं  
व पातालय् च्वपिं  
फुककसिनं वय्कःया नामय्  
पुलिं चुइ माः।

११ अले परमेश्वर बा:यात त:धंकेत  
 फुककसिनं येशू ख्रीष्ट हे “प्रभु”  
 ख: धका:  
 थ: नाला काये मा:।\*

### संसार्य् थीगु ज:

१२ य:पिं दाजुकिजापिं, जि छिपिं  
 नाप दुबलय् छिमिसं जिगु फुकक  
 खँ न्यना का। अथे हे जि मदइबलय्  
 नं भन छिमिसं जिगु खँ न्यने मा:।  
 अले ग्याभय् कया: मुक्तिया ज्या  
 क्वचाय्केत मेहनत या। १३ परमेश्वर  
 भी नापं ज्या यानादी। बांला:गु इच्छां  
 ज्या याकादीम्ह परमेश्वर हे ख:।

१४ न्ह्यागुं ज्या उसि मचासे व  
 जवा:सवा: मयासे याये मा:। १५ उकिं  
 छिपिं दोष मदुपिं व स्वजापिं जुया:  
 पापी व मभिगु मनूतय्गु पुचलय् छुं  
 हे ख्वं मदय्क परमेश्वरया मस्त जुया  
 च्वँ। नगुतय्सं आकाशय् भल्ल थीकू  
 थें छिपिं नं इमिगु पुचलय् थिना च्वँ।\*

१६ छिमिसं इमित परमेश्वरयागु जीवन  
 बीगु वचन न्यंका जुल धा:सा येशू  
 ख्रीष्ट भाइबलय् थ:म्हं यानागु ज्या  
 सितिं मवन धका: जिं छयं धस्वाके  
 फइ। १७ छिमिगु विश्वासयागु बलिदान  
 व सेवाय् थ:गु हि तकं हाय्के मा:सां  
 जि लय्ता:। अले जि छिपिं नापं

लय्ताय्। १८ अथे हे छिपिं नं जि थें  
 लय्ताया च्वँ।

### तिमोथी व इपाफ्रोडिटस

१९ तिमोथीयात छिमिथाय् याकनं  
 हे छ्वया हये फइ धका: जिं प्रभु  
 येशूयाके आशा यानाच्वनागु दु। अले  
 छिमिगु भिंगु खँ न्यने दया: जित:  
 लय्तावइ। २० तिमोथीं थें छिमिगु  
 च्यूता: कयाजुइपिं मेपिं सुं हे मडु।  
 २१ येशू ख्रीष्टयागु च्यूता: हे मतसे मेपिं  
 फुककं थ:थ:गु स्वार्थया ज्याय् जक  
 जुयाच्वंगु दु। २२ तिमोथी गज्या:म्ह  
 मनू ख: धका: ला छिमिसं सि हे स्यू।  
 छम्ह काय् नं थ: बौनाप ज्या याये थें वं  
 जि नाप भिंगु खँ न्यंका जुल। २३ जित:  
 छु छु जुइ स्वये, अले थ्व खँ सी दयेवं  
 हे जिं वयात छिमिथाय् छ्वया हये।  
 २४ जि थ: हे नं याकनं वये दइ धका:  
 प्रभुयाके भरोसा तयाच्वनागु दु।

२५ जित: ग्वाहालि याके छ्वया  
 ह:म्हकिजा इपाफ्रोडिटसयात छिमि-  
 थाय् हे लिछ्वया हये मा: थें जिं  
 ताय्का। जिपिं निम्हय्सिनं नं नापं  
 ज्या याना, अले भिंगु खँ न्यंकेगु ज्याय्  
 नं जिपिं नापं हे जुया। २६ वं छिमिगु  
 ख्वा: स्वये मास्ति वय्काच्वंगु दु,  
 छाया:सा छिमिसं व म्हंमफुगु खँ

न्यंगुलिं व छिमिथाय् वयेत तसकं आय्बुयाच्वंगु दु। २७व धात्थें हे सी थें च्वंक म्हंमफुगु खः। अयनं परमेश्वरं वयात दया यानादिल। वयात जक मखु, वय्कलं जितः नं दया यानादिल। मखुसा ला जितः दुःखय् हानं मेगु दुःख जू वइगु खः।

२८ अय्जूगुलिं वयात हाकनं स्वये दयाः छिपिं लय्ताय्मा धकाः जिं वयात छ्वया हयेत्यनागु खः। अले जिगु दुःखकष्ट नं क्वलाना वनी। २९ अय्जूगुलिं वयात थः हे किजा भाःपियाः दुनुगलनिसें लसकुस या। थज्याःपिन्त ला हने हे माः। ३० स्त्रीष्ट-यागु ज्याया नितिं जितः ग्वाहालि बीत वं थःत ज्यान तकं पात। छिमिसं जिगु नितिं पूवके मफुगु ज्या वं पूवकल।

### धात्थें धर्मी ठहरय् जुइगु

३ १यःपिं दाजुकिजापिं, मूखँ छु धाःसा — छिपिं प्रभुलिसे लय्-ताया च्वँ। न्हापा च्वये धुनागु हे खँ हानं लिसा कयाः च्वयेत जिं थाकु मचाया। थुकिं छिमित हे भिं याइ।

२खिचात थें ल्वाना जुइपिं, मभिंगु ज्या याना जुइपिं व मुक्ति कायेत म्हय् चिं तयेमाः धाइपिं लिसे होश याना जु। ३ धात्थेंगु चिं तइपिं ला भीपिं

खः, छायाःसा भीसं परमेश्वरयात पवित्र आत्मां सेवा यानाच्वना। येशू स्त्रीष्टयाके भरोसा तयाच्वना, अले शरीरयागु ज्याखँय् भीसं भरोसा मतया। ४ शरीरयागु ज्याखँय् हे भरोसा तयेगु खःसां जिं दकलय् अप्वः भरोसा तये फु।

५ बुयाः च्यान्हु दुखुन्हु हे जितः म्हय् चिं तय्कूगु खः। जि बूसानिसें हे इस्राएली खः, अज्ज ला बेन्यामीन कुलयाम्ह हिब्रू खः। धर्मयागु खँय् हे नं व्यवस्था मानय् याइम्ह फरिसी खः।\* ६ धर्मयागु ज्याखँय् नं जि विश्वासीतय्त दुःखकष्ट बीगुलिइ न्ह्यज्याना च्वनाम्ह खः। अले हानं जि यहूदीतय्गु थितिकुति मानय् यानाः धर्मी जुया च्वनाम्ह नं खः।\*

७ जिं अबलय् थःत फाइदा दुगु धकाः ताय्काच्वनागु फुक्कं येशू स्त्रीष्टयागु नितिं ज्यालगय् मजूगु धकाः ताय्का। ८ थुलि जक मखु, स्त्रीष्ट येशू जिम्ह प्रभुयात म्हसीकेगु हे तःधंगु खः धकाः थुइकाः जिं मेगु फुक्कं ज्यालगय् मजू धकाः ताय्का। वय्कःयागु हे नितिं जिं फुक्कं त्वःता, अले वय्कःयात लुइके फयेमा धकाः जिं अज्याःगु फुक्कं ज्यालगय् मजू धकाः ताय्कागु दु। ९ व्यवस्थां धाः

थें याना जुयागुलिं जि धर्मी ठहरय् जूगु मखु बरु येशू ख्रीष्टयात विश्वास यानागुलिं परमेश्वरं हे जितः धर्मी ठहरय् यानादीगु खः। १० आः ला जिं ख्रीष्टयात म्हसीकेगु, वय्कः हानं म्वाना वइगु शक्तियात सीकेगु व वय्कलं थें दुःखकष्ट सियाः वय्कः थें जुयाः सिना वनेगु हे जक मनं तुनागु दु। ११ जि सिनाः हानं म्वाना वइतिनि धकाः जिं आशा यानागु दु।

### निशाना स्वयाः ब्वाँय् वनेगु

१२ जिं फुककं काये धुन अले जि सिद्ध जुइ धुन धकाः जिं धायेत्यनागु मखु। थ्व हे सिरपाः कायेत जिं कुतः यानाचवनागु खः। थुकिया नितिं ख्रीष्ट येशू जितः न्हापा हे थः मनू यानादी धुंकल। १३ यःपिं दाजुकिजापिं, थ्व फुककं काये धुन धकाः मखु। अयनं जिं छता ज्या याये — न्हापायागु खँ फुककं ल्वःमंकाः न्ह्यःने स्वयाः वनेत कुतः याये। १४ परमेश्वरं येशू ख्रीष्टपाखें सःताः बीत तयादीगु स्वर्गया सिरपाः कायेत जि निशानापाखे ब्वाँय् वने।

१५ भीपिं बांलाक स्यूपिन्सं थथे मतिइ तये माः। छिपिं मध्ये सुयां छुं खँय् बिचाः पात धाःसा परमेश्वरं छिमित थ्व नं क्यनादी। १६ थन तक

भीपिं गुकथं थ्यंकः वया उकथं हे न्ह्यज्याये।

१७ यःपिं दाजुकिजापिं, छिमिसं नं जिं थें या। गथे जिपिं छिमिगु नितिं नमुना जुया, अथे याइपिं मेपिनिगु पाखें नं स्यना का। \* १८ जिं छिमित न्हापा नं तःकःमछि धाये धुन। आः नं मिखाय् ख्वबि तयाः जिं धयाचवना — ख्रीष्टयागु कूसया शत्रु जुयाचवंपिं नं यक्व हे दु। १९ थज्याःपिं मनूत नाश जुया वनी। छायाःसा प्वाः हे थुमिगु छः खः, लज्या चायेमाःगु खँय् नं थुमिसं घमण्ड याना जुइ। अले थुमिसं थ्व संसारयागु ज्याखँय् जक मन तया जुइ। २० भीपिं ला स्वर्गया नागरिकत खः। भीपिं मुक्ति बीम्ह भी प्रभु येशू ख्रीष्ट स्वर्गं भाइतिनि धकाः लँ स्वया चवनापिं खः। २१ वय्कलं फुककयात थःगु ल्हातय् कयादी फु। थ्व हे शक्तिं वय्कलं भीगु थ्व बमलाःगु व सिना वनिगु म्हयात वय्कःयागु थें सिना मवनिगु यानादी।

### मेगु अर्ती ब्यूगु

४ १ अय्जुगुलिं यःपिं दाजुकिजापिं, थुकथं हे प्रभुयात क्वात्तुक विश्वास याना चवँ। जि छिमित नापलायेत आय्बुयाचवनागु दु। छिपिं



जिगु लय्ता: व श्रीपेच ख:।

२इयोदिया व सुन्तुखेयात जिं बिन्ति यानाचवना — छिपिं निम्ह तताकेहें प्रभुयात विश्वास याना: मिलय् जुया चवँ। ३अले विश्वास याये बह:म्ह पासा, थुपिं मिसातय्त ग्वाहालि या। छाया:सा इमिसं जि नाप भिंगु खँ न्यंकेगु ज्या या:गु दु। थुलि जक मखु, इमिसं क्लेमेस व जि नाप ज्या या:पिं जीवनयागु सफुलिइ नां दुथ्या:पिं मेमेपिं मनुतलिसे नं भिंगु खँ न्यंकूगु दु।

४प्रभु लिसे न्ह्याबलें लय्ताया चवँ। जिं हानं धाये — “लय्ताया चवँ।” ५फुक्कलिसे बांलाक हनाबना याना चवँ। प्रभु याकनं भाइ।

६छुं खँय् नं चिन्ता काये मते। छिमित मा:गु खँ प्रार्थना याना: सुभाय् बिया: परमेश्वरयात बिन्ति या। ७सुयागुं ज्ञान बुद्धिं थुइके मफुगु परमेश्वरयागु शान्तिं छिमिगु नुग: व मनयात ख्रीष्ट येशूपाखें बचय् याना तइ।

८य:पिं दाजुकिजापिं, दकलय् लिपा जिं धाये — छिमिसं सत्यगु, हनेबह:गु, भिंगु, शुद्धगु, बांला:गु, तत:धंगु व प्रशंसा याये बह:गु खँय् जक मन बिया चवँ। ९जिं यानागु छिमिसं न्यनात:गु व थ: नालाकया त:गु हे दु। अले जिं छिमित स्यना बियागु व थुइका

बियागु नं दु। छिमिसं नं अथे हे याना चवँ। अले शान्ति बियादीम्ह परमेश्वर छिपिं नाप दइ।

### भेटी ब्यूपिन्त सुभाय् ब्युगु

१०प्रभु लिसे जि तसकं लय्-तायाचवनागु दु। त:न्हु लिपा छिमिसं जित: हानं लुमंका: हल। अथे ला छिमिसं न्हापांनिसें लुमंकाचवंगु ख:। ई जक चू मला:गु ख:। ११मदय्कं मगाना: ला जिं थथे धयागु मखु, छाया:सा न्ह्यागु हे जूसां लुधंकाचवनेत स्यनाकयागु दु। १२मदुबलय् नं दुबलय् नं जि लुधंकाचवने स:। न्ह्याबलें न्ह्याथासं नये खंसां मखंसां, यक्व दुसां द हे मदुसा नं जिं लुधंकाचवने सय्कागु दु। १३जित: शक्ति बियादीम्ह ख्रीष्टया पाखें जिं न्ह्यागुं याये फु।

१४अय् नं जित: थथे दु:ख जुया चवंबलय् छिमिसं ग्वाहालि या:गु बां हे लात। १५श्व खँ छिमिसं सि हे स्यू माकेडोनियां भिंगु खँ न्यंका: वने त्यनाबलय् नं छिमिगु मण्डलीं हे जक जित: ग्वाहालि यात, मेगु गुगुं नं मण्डलीं मया:। १६थेसलोनिकेय् दुबलय् नं छिमिसं जित: त:क:मछि ग्वाहालि छ्वया हल।\* \* १७जिं छिमि

पाखें ग्वाहालि कायेत थथे धयागु मखु। बरु स्वर्गय् च्वंगु छिमिगु हे ल्याःचालय् यक्व दयावये मा धकाः खः।

१८ छिमिगु पाखें जितः मतिइ तयागु स्वयाः अप्वः हे दत। छिमिसं इपाफ्रोडिटसयात बीके छ्वया हःगु ग्वाहालि नं जिगु ल्हातय् लात। छिमिसं छ्वया हःगु थ्व ग्वाहालि ला नस्वाः वःगु व परमेश्वरयात यःगु होमबलि थें खः।\* १९जिमि परमेश्वरं छिमिगु मगाःमचाः स्वयादी। ख्रीष्ट येशूयाके दुगु वय्कःयागु गुबलें मसुइगु धुकुतिं छिमित माःगु बियादी।

२० भी परमेश्वर बाः न्ह्याबलें तःधना च्वनेमा। आमेन।

### लिपांगु ज्वजलपा

२१ फुकक विश्वासीतय्त जिं न्यना हःगु दु धकाः धया ब्यु। जि नाप थन दुपिं दाजुकिजापिन्सं नं छिमित न्यना हःगु दु। २२ थन च्वंपिं फुकक विश्वासीतय्सं नं छिमित ज्वजलपा धया हःगु दु। खास यानाः कैसरया जहानपिनिपाखें ज्वजलपा धया हःगु दु।

२३ येशू ख्रीष्टयागु दया माया छिपिं फुककसित दया हे च्वनेमा।